


Sesotho

Mohato

Mefuta ya dipalangwang

3B



Room to Read




Mefuta ya dipalangwang
Sesotho
Mohato 3B

ISBN: 978-1-77981-106-6

© 2023 Ulwazi Lwethu African Languages Literacy Project

Mongodir: Room to Read
Mofetoledi: Erlina Makhalemele
Motshwantshisi: Gerda Smit
Moralo le sebopeho: Rock Bottom Graphic & Design

Kgatiso ya pele: 2023.



Mefuta ya dipalangwang



Room to Read

Ke baesekele.

Ke na le mabidi a mabedi a masesane.

Ha o ntjhebile, nka etsa eng?

Nka o palamisa ka thabo.

Wena o ka etsa eng?





Ke sethuthuthu.

Ke na le mabidi a mabedi a maholwanyane.

Ha o ntjhebile, nka etsa e?

Nka o palamisa o le mong kapa le le babedi ka le isa moo le yang teng kapele. Wena o ka etsa eng?

Ke kolo.

Ke na le mabidi a mane.

Ha o ntjhebile, nka etsa eng?

Nka o palamisa o le mong, le le babedi kapa le supile. Nka le isa moo le ratang teng.

Wena o ka etsa eng?





Ke tekesi.

Ke sepalangwang sa bohle.

Ha o ntjhebile, nka etsa eng?

Nka le palamisa le leshometharo. Nka isa basebetsi mesebetsing le bana dikolong.

Wena o ka etsa eng?

Ke bese.

Ke sepalangwang sa bohle.

Ke tsamaya tseleng.


Ha o ntjhebile, nka etsa eng?

Nka palamisa batho ba bangata.

Nka isa batho mesebetsing le toropong.

Nka isa le bana dikolong.

Wena o ka etsa eng?





Ke ambolense. Ke sepalangwang sa thuso ya pele.
Ke thusa batho ka nako ya kotsi. Ha o ntjhebile nka
etsa eng?

Nka palamisa batho ba kulang kapa ba lemetseng,
ka ba isa bookelong. Nka matha ka lebelo le leholo
ho ba isa teng. Ka hare ke na le disebediswa tsohle
tsa thuso ya pele, ho thusa ba lemetseng le ba
kulang ha ba le tseleng e yang bookelong.

Wena o ka etsa eng?

Ke setimamollo. Ke sepalangwang sa thuso ya tshohanyetso. Ha o ntjhebile nka etsa eng? Nka rwala disebediswa tsa ho thusa ho tima mollo. Nka tima mollo o moholo. Ha lebone la ka le kgantsha, bakganni ba mpha sebaka hore ke fete.

Wena o ka etsa eng?





Ke terekere.

Ke motswalle e moholo wa molemi.

Ke na le mabidi a maholo a mane.

Ha o ntjhebile, nka etsa eng?

Nka hula mohoma Nka lema tshimo.

Wena o ka etsa eng?

Ke lori ya diphahlo.

Ke na le mabidi a maholo a mangata.

Ha o ntjhebile, nka etsa eng?

Nka jara dithoto tse ngata.

Ka di isa dibakeng tse hole.

Wena o ka etsa eng?





Ke lori ya matlakala.

Ke na le mabidi a maholo.

Ha o ntjhebile, nka etsa eng?

Nka palamisa matlakala.

Nka a isa thotobolong ya matlakala.

Wena o ka etsa eng?

Ke terene.

Ke tsamaya seporong.

Ke na le mabidi a mangata a tshepe.

Ke tsamaya ka lebelo.

Ha o ntjhebile, nka etsa eng?

Nka palamisa batho ba bangata.

Nka ba isa dibakeng tse fapaneng.

Wena o ka etsang?





Ke terene e potlakang.

Ke tsamaya ka lebelo le leholo.

Ha o ntjhebile, nka etsa eng?

Nka fihlisaatho dibakeng tse fapaneng le mesebetsing kapele.

Wena o ka etsa eng?

Ke terene ya diphahlo.

Ke tsamaya ke iketlile seporong.

Ha o ntjhebile, nka etsa eng?

Nka palamisa dintho tse boima.

Nka di isa dibakeng tse hole.

Wena o ka etsa eng?





Ke sekepe.

Ke tsamaya mawatleng.

Ha o ntjhebile, nka etsa eng?

Nka palamisa batho ho ya dibakeng tse hole.

Nka palamisa diphahlo ho ya mose ho mawatlle.

Wena o ka etsa eng?

Ke sekepe sa diphahlo.

Ke rwala diphahlo tse fapaneng.

Ha o ntjhebile, nka etsa eng?

Nka tsamaisa diphahlo ho ya dinaheng tse fapaneng.

Wena o ka etsa eng?





Ke seketswana sa ho tshwasa ditlhapi.

Ke na le letloa.

Ha o ntjhebile, nka etsa eng?

Nka thusa batshwasi ba ditlhapi.

Nka boloka ditlhapi ka hare.

Wena o ka etsa eng?

Ke sekepe sa batho le merwalo.

Ke tsamaya metsing.

Ha o ntjhebile, nka etsa eng?

Nka rwala batho le .merwalo.

Nka rwala dikoloi, dilori le diphoofolo.

Wena o ka etsa eng?





Ke sefofane.

Ke fofa sepakapakeng ka hodima maru.

Ha o ntjhebile nka etsa eng?

Nka palamisa batho ho ya dibakeng tse fapaneng.

Nka rwala le diphahlo ho di isa hole.

Wena o ka etsa eng?

Ke helikoptara.

Ke fofa sepakapakeng.

Ha o ntjhebile nka etsa eng?

Nka thusa batho ba leng kotsing.

Ke kotsama sebakeng se senyane.

Wena o ka etsa eng?





Readers

Mohato 1

- Eba bonolo, Malebo
- Sebati le sekgo
- Lamunu e bonolo
- Mollo
- Lebile o a emaema
- Paki o a penta
- Pokola
- Pula ya semaka
- Ho bala meropa
- Komello
- Banana ke Badisana
- Yuna o lemetse
- Noha!
- Lerato la Mohale le Serero
- Bana ba molemo
- Di ka fofa
- Sopo e monate
- Buyi o a makala
- Moriri o moholo
- Jobe ha a robale
- Ba Polasing
- Ntate o kgutla neng?
- Lerato la Mawelana
- Jase e Fetohile

Mohato 2

- Mosebetsi o sekono
- Ha re bolokeng metsi
- Metsi ka mona le ka mona
- Monyai wa mathaithai
- Mose o mebalabala
- Shibelane sa Tinyiko
- Lesale la Gauta
- Tatso ya dijo tsa Setso
- Dieta tsa Mokgadi
- Sebapadi sa maemo
- Bula, kwala, ho tswelle
- Tjekatjeka mosetsana wa Sengangele
- Leano le letle la Mmusu
- Bolo e nyametse
- Dimpho
- Mathata serapaneng sa Nkgono

Mohato 3

- Monate wa Lesheleshele
- Molemi , Morwesi le dikgabo
- Bophelo ba sehohwana
- Manwa le ditlalebore
- Setlhare sa phodiso
- Kwena e lonyu
- Motswako o Molemo
- Mothei wa ditlhapi
- Seromo wa Mohale
- Ha ke rate meroho
- Dipoho di a iphetetsa
- Di kgolo ho nna
- Ngwanana ya bohlale
- Mefuta ya dipalangwang
- Seeta se setle
- Dinotshi
- Bashemane ba bohlale
- Phetoho e ntjha
- Lefu la sefuba
- a Hlobaela
- Setswalle sa Nnete

Mohato 4

- Phatso o thabile
- Ba a bapala
- Mookodi wa Lerato
- Mokgohlane wa Dikolobe
- Toro ya Maama e a phethahala
- Palesa o tshwara leshodu
- Tlwaelo ya ho phela ya BaVenda
- Pule o phela bophelo bo botle!
- Ntate, molaodi wa serapa sa diphoofolo

Mohato 5

- Mahe a Senwelo a siyo
- Mama Afrika, Miriam Makeba
- Ho thusa Ntatemoholo ho Fola
- Nkodi o tseba nako
- Peo ya mohlolo.
- Re etela serapa sa diphoofolo.
- Difate tsa Afrika Borwa
- Toro ya Makgwadi

ZENEX
FOUNDATION


MOLTENO
INSTITUTE FOR LANGUAGE AND LITERACIES
EST. 2014



Ulwazi Lwethu e tshehetswa ka ditjhelete ke Zenex Foundation ho thakgola projeke ya ho hlahisa letoto la dibuka ka dipuo tsa Se-Afrika tse hlophisitsweng ka mekgahlelo bakeng sa baithuti le dithusathuto ho barutabana. Projeke ena e tobile ho ruta le ho ntlafatsa ho bala le ho utlwisisa puo ya lapeng ya barutwana dihlopheng tse tlase tsa motheo (Foundation Phase). Dibuka di qapilwe ka dipuo tse robong tsa Se-Afrika ka kopanelo le Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. Mehloodi yohle e hlahisitswe e le “Open Education Resources” (OER).

Please visit our website to download the full copy of this reader:
ulwazilwethu.org.za



Creative Commons Attribution-
NonCommercial-NoDerivatives
(CC BY-NC-ND) 4.0
International Licence

Disclaimer: You are free to download and share this work as long as you attribute Zenex Foundation, but you may not change this work in any way or use it commercially.

